

Član 2.

(Osnova za plaćanje takse)

- (1) Na teritoriji Općine Trnovo propisuje se i naplaćuje taksa za:
- Svaku istaknutu firmu,
 - Držanje sredstava za igru i igre na sreću (bilijar, automati, fliperi, video igre, pikado i aparati za posebne igre na sreću i sl.),
 - Poslovni prostor u kojem se priređuju klasične igre na sreću i posebne igre na sreću koje su definisane odredbama Zakona o igrama na sreću ("Službene novine Federacije BiH" broj 48/15 i 60/15),
 - Držanje i izvođenje muzike uživo u ugostiteljskim objektima,
 - Isticanje objava, oglasa i saopćenja na javnim mjestima,
 - Korištenje prostora na javnim mjestima za kampove (šatore, prikolice, motorna vozila svih kategorija), deponije materijala i drugu privremenu ili stalnu upotrebu,
 - Postavljanje uređaja za isplatu i naplatu gotovine (bankomata i sl.),
 - Postavljanje svih drugih uređaja koji putem automatske obrade podataka naplaćuju usluge gotovinom, karticama za naplatu ili posredstvom telekom operatera (kafemati, parkomati i sl.).
- (2) Izuzetno od stava (1) tačke a) ovog člana taksa se ne plaća za istaknutu firmu do veličine table 200x300 milimetara.

Član 3.

(Definiranje pojmova)

U smislu ove Odluke:

- Svaka istaknuta firma podrazumjeva naziv pod kojim posluje pravna ili fizička osoba i to postavljena kao označavanje sjedišta odnosno poslovne jedinice na mjestu poslovanja;
- Držanje sredstava za igru (bilijar, automati, fliperi, video igre, pikado, aparati za posebne igre na sreću i sl.) podrazumjeva svaki uređaj kojim se naplaćuje provedeno vrijeme jednog ili više konzumenata takvih uređaja;
- Poslovni prostor u kojem se priređuju klasične igre na sreću i posebne igre na sreću podrazumjeva svaki prostor u kojem se priređuju klasične igre na sreću i/ili posebne igre na sreću;
- Držanje i izvođenje muzike uživo u ugostiteljskim objektima podrazumjeva povremeno ili svakodnevno izvođenje muzičkog programa uz pružanje ugostiteljskih usluga;
- Isticanje objava, oglasa i saopćenja na javnim mjestima podrazumjeva svako objavljuvanje, oglašavanje i reklamiranje na za to predviđenim mjestima u skladu sa odobrenjem nadležnog organa (stalni ili povremeni baneri, reklamiranje brendova, usluga ili proizvoda koje pružaju pravne ili fizičke osobe ili koje imaju svrhu putokaza prema mjestu poslovanja/sjedišta davaoca usluge);
- Svako korištenje prostora na mjestima za kampove (šatore, prikolice i motorna vozila svih kategorija) podrazumjeva zauzimanje prostora za privremeni boravak od strane jedne ili više osoba;

- Postavljanje uređaja za isplatu i naplatu gotovine, (bankomata) podrazumjeva svako zauzimanje površine radi postavljanja i instaliranja ovakvih uređaja u svrhu pružanja usluga prema konzumentima;
- Postavljanje svih drugih uređaja koji putem automatske obrade podataka naplaćuju usluge gotovinom, karticama za naplatu, ili posredstvom telekom operatera (kafemati, parkomati i sl.). U ovom slučaju se podrazumjeva postavljanje navedenih uređaja koji automatskom obradom podataka obračunavaju i naplaćuju razne vrste usluga bez osobnog posredovanja konzumenta sa pružaocem usluga koji može biti registriran kao fizička ili pravna osoba.

Član 4.

(Početak nastanka obaveze)

- Taksena obaveza iz člana 2. stav 1. tačka a) ove Odluke nastaje danom izdavanja rješenja o registraciji poreznog obveznika.
- Taksena obaveza iz člana 2. stav 1. tačke b) do h) ove Odluke nastaje u trenutku kada se počinje koristiti predmet ili usluga ili prostor za čije korištenje je ovom Odlukom propisano plaćanje komunalne takse.

Član 5.

(Obveznici)

Takseni obveznici su sve pravne i fizičke osobe registrirane za obavljanje djelatnosti koje posluju na području općine Trnovo, odnosno osobe koje koriste predmet, prostor, ili pružaju usluge za čije korištenje je propisano plaćanje takse.

Član 6.

(Isticanje firme)

- Sve pravne i fizičke osobe koje obavljaju privrednu djelatnost na osnovu odobrenja nadležnog organa, dužne su na vidnom mjestu svih prostora (sjedište, poslovne jedinice, mjesto obavljanja djelatnosti) gdje obavljaju djelatnost istaknuti naziv firme.
- Pod nazivom firme podrazumjeva se:
 - onaj naziv firme pod kojim je takseni obveznik registriran kod nadležnog organa;
 - sjedište firme;
 - broj poslovne jedinice;
 - naziv poslovne jedinice.
- Firma se ističe najkasnije danom početka obavljanja djelatnosti.

Član 7.

(Prijava takse obaveze)

- Prijavu za razrez komunalne takse porezni obveznik je dužan podnijeti nadležnoj Poreznoj ispostavi (u daljem tekstu: Porezna uprava) do kraja februara tekuće godine, prema stanju na dan 01. januar tekuće godine za koju se razrez vrši, odnosno u roku od 15 dana od datuma izdavanja rješenja o registraciji ukoliko je porezni obveznik registrirao djelatnost u toku poslovne godine. Obveznik komunalne takse dužan je nadležnoj Poreznoj ispostavi podnijeti prijavu za komunalnu taksu.
- Ukoliko takseni obveznik u propisanom roku ne podnese prijavu, ili dostavi netočne podatke, prijavu takse će izvršiti Porezna uprava u roku od 15 dana u skladu sa odredbama Zakona o Poreznoj upravi Federacije BiH i podzakonskim aktima.

S L U Ž B E N E N O V I N E

Broj 22 - Strana 92

KANTONA SARAJEVO

Četvrtak, 2. 6. 2022.

- (3) Porezni obveznici, bez obzira na eventualno nepostojanje obaveze plaćanja takse, moraju podnijeti prijavu za razrez komunalne takse.
- (4) Izuzetno od stava (1) ovog člana prijava za razrez takse za 2022. godinu podnosi se do kraja aprila 2022. godine prema stanju na dan prvog januara 2022. godine.

Član 8.

(Obračun i način plaćanja)

Taksa iz člana 2. ove Odluke se obračunava i plaća na način iz:

- tačke a) - jednom u toku kalendarske godine u roku od petnaest dana po isteku roka za prijavljivanje takse;
- tačke b) - jednom u toku kalendarske godine, po jednom sredstvu za omogućavanje igara u roku od petnaest dana po isteku roka za prijavljivanje takse;
- tačke c), d), e), f), g) i h) - u roku od pet dana od isteka sedmice u kojoj je nastala taksena obaveza.

Član 9.

(Zone)

Područje Općine Trnovo dijeli se na tri poslovne zone i to: prva poslovna zona, druga poslovna zona i treća poslovna zona.

- Prva poslovna zona obuhvata pojas definisan Regulacionim planom "Sportsko-rekreacionog područja Bjelašnica" ("Službene novine Grada Sarajeva", broj 11/82) i Regulacionog područja Igman.
- Drugu poslovnu zonu čini prostor od entitetske linije u Trnovu, lijeva i desna strana uz magistralni put M-18, širine 200 m pa sve do entitetske linije na brani Bogatići, te pojas širine 200 m sa lijeve i desne strane regionalnog puta 442-B od Grikarice (poslovni objekat Ministarstva unutrašnjih poslova Kantona Sarajevo do spomenika na Velikom polju).
- Treća poslovna zona obuhvata prostor centara mjesnih zajednica: MZ Dejčići, MZ Delijaš, MZ Šabići i MZ Trnovo.
- Četvrta poslovna zona obuhvata prostor koji nije obuhvaćen prvom, drugom i trećom poslovnom zonom.

Član 10.

(Iznos takse za istaknutu firmu)

- (1) Za svaku istaknutu firmu, oznaku, obilježje ili natpis na poslovnim i drugim prostorijama, objektima i mjestima, kojima se označava da određeno pravno ili fizičko lice obavlja izvjesnu djelatnost ili zanimanje na području Općine Trnovo, utvrđuje se i plaća godišnja taksa u iznosima kako slijedi:

- Obrnici/samostalni poduzetnici odnosno fizička lica kojima je shodno Zakonu i Pravilniku o porezu na dohodak odobreno plaćanje poreza na dohodak u paušalnom iznosu (paušalci) utvrđuje se i plaća godišnja taksa u iznosu od 100,00 KM;
- Obrnici/samostalni poduzetnici, odnosno fizička lica koja obavljaju poslovnu djelatnost, iznos komunalne takse uplaćuju kako slijedi:

OBRTNICI	I zona	II zona	III zona	IV zona
Iznos komunalne takse za lica koja su imala prihod u prethodnoj godini manji od 25.000,00 KM, se uplaćuje u iznosu	150,00 KM	125,00 KM	100,00 KM	50,00 KM
Iznos komunalne takse za lica	250,00	220,00	190,00 KM	160,00 KM

koja su imala prihod u prethodnoj godini veći od 25.000,00 KM, a manji od 50.000,00 KM, se uplaćuje u iznosu	KM	KM		
Iznos komunalne takse za lica koja su imala prihod u prethodnoj godini veći od 50.000,00 KM, a manji od 100.000,00 KM, se uplaćuje u iznosu	400,00 KM	350,00 KM	300,00 KM	250,00 KM
Iznos komunalne takse za lica koja su imala prihod u prethodnoj godini veći od 100.000,00 KM, se uplaćuje u iznosu	500,00 KM	450,00 KM	400,00 KM	350,00 KM

- c) Pravna lica – koja su shodno Zakonu o računovodstvu i reviziji Federacije Bosne i Hercegovine ("Službene novine Federacije BiH" broj 15/21) razvrstana na:

- mikro pravna lica:

Mikro pravna lica	I zona	II zona	III zona	IV zona
Iznos komunalne takse za lica koja su imala prihod u prethodnoj godini manji od 100.000,00 KM, se uplaćuje u iznosu	500,00 KM	450,00 KM	400,00 KM	350,00 KM
Iznos komunalne takse za lica koja su imala prihod u prethodnoj godini veći od 100.000,00 KM, a manji od 250.000,00 KM, se uplaćuje u iznosu	1.000,00 KM	900,00 KM	800,00 KM	700,00 KM
Iznos komunalne takse za lica koja su imala prihod u prethodnoj godini veći od 250.000,00 KM, a manji od 500.000,00 KM, se uplaćuje u iznosu	1.500,00 KM	1.350,00 KM	1.200,00 KM	1.000,00 KM
Iznos komunalne takse za lica koja su imala prihod u prethodnoj godini veći od 500.000,00 KM, se uplaćuje u iznosu	2.000,00 KM	1.800,00 KM	1.600,00 KM	1.300,00 KM

- mala, srednja i velika pravna lica:

Mala, srednja i velika pravna lica	I zona	II zona	III zona	IV zona
Iznos komunalne takse za lica koja su imala prihod u prethodnoj godini manji od 1.000.000,00 KM, se uplaćuje u iznosu	3.000,00 KM	2.750,00 KM	2.500,00 KM	2.000,00 KM
Iznos komunalne takse za lica koja su imala prihod u prethodnoj godini veći od 1.000.000,00 KM, a manji od 3.000.000,00 KM, se uplaćuje u iznosu	3.500,00 KM	3.250,00 KM	3.000,00 KM	2.750,00 KM
Iznos komunalne takse za lica koja su imala prihod u prethodnoj godini veći od 3.000.000,00 KM, a manji od 5.000.000,00 KM, se uplaćuje u iznosu	4.000,00 KM	3.750,00 KM	3.500,00 KM	3.000,00 KM
Iznos komunalne takse za lica koja su imala prihod u prethodnoj godini veći od 5.000.000,00 KM, a manji od 8.000.000,00 KM, se uplaćuje u iznosu	4.500,00 KM	4.250,00 KM	4.000,00 KM	3.750,00 KM
Iznos komunalne takse za lica koja su imala prihod u prethodnoj godini veći od 8.000.000,00 KM, se uplaćuje u iznosu	5.000,00 KM	4.750,00 KM	4.500,00 KM	4.000,00 KM

- (2) Taksa za istaknuta firmu razrezuje se i plaća u godišnjem iznosu za istaknuta firmu zatečenu na dan 01. januar godine za koju se vrši razrez, srazmjerne periodu isticanja, a za istaknuta firmu koja se ističe u toku godine, u visini koja odgovara srazmjerne vremenu isticanja firme do kraja godine.
- (3) Ukoliko Preduzeće registruje više od jedne poslovne jedinice na području općine Trnovo, obavezno je u skladu sa članom 2. stav (1) tačka a) ove Odluke uplatiti taksu za sve istaknute firme svih poslovnih jedinica shodno visini prihoda koji je poslovna jedinica ostvarila u skladu sa stavom (1) ovog člana.

Član 11.

(Umanjenje komunalne takse)

- (1) Fizička ili pravna lica sa područja Općine Trnovo koja je prvi put registrovala privrednu ili uslužnu djelatnost oslobođa se plaćanja komunalne takse do kraja tekuće fiskalne godine.
- (2) Obveznicima takse koji obavljaju djelatnost tradicionalnih i starih zanata-obrta koji su utvrđeni u Uredbi za zaštitu tradicionalnih i starih obrta ("Službene novine Federacije BiH", br.66/09, 38/10 i 16/12) taksa se razrezuje u iznosu od 50%.
- (3) Samostalnim privrednicima koji se vode u registrima fizičkih lica, a koji obavljaju trgovinsku djelatnost taksa se razrezuje u iznosu od 60% od propisane.
- (4) Samostalnim privrednicima koji se vode u registrima fizičkih lica, a koji obavljaju ugostiteljsku ili građevinsku djelatnost taksa se razrezuje u iznosu od 70% od propisane.
- (5) Taksa na istaknuta firmu pravne ili fizičke osobe koja je na osnovu rješenja nadležnog organa prestala obavljati djelatnost u toku obračunskog perioda godine, će se obračunati za broj mjeseci odnosno dana u kojima je obavljala djelatnost.

Član 12.

(Iznos takse za sredstva za igru)

- (1) Za držanje, odnosno korištenje sredstava za igru i igre na sreću, taksa se plaća godišnje i to po jednom komadu, odnosno predmetu i aparatu taksa:
- na biljar stolove, automate, flipere, video igre, pikado i druga sredstva za igre 800 KM;
 - na aparatе za posebne igre na sreću koji donose novac 2.000 KM.
- (2) Pod aparatima koji donose novac podrazumjevaju se elektronski ili mehanički aparati koji tokom igre omogućavaju igraču dobitak u novcu ili žetonima koji su naplativi u novcu.
- (3) Taksa za držanje sredstava za igru i igre na sreću razrezuje se i plaća unaprijed u godišnjem iznosu za sredstva za igru i igre na sreću zatečena na korištenju taksenog obveznika na dan 01. januara godine za koju se razrez vrši, srazmjerne periodu korištenja, odnosno periodu držanja, a za sredstva za igru i igre na sreću koja su se počela koristiti, odnosno držati, u toku godine u visini koja odgovara srazmjerne vremenu od dana držanja do kraja godine.

Član 13.

(Iznos takse za priređivanje igre na sreću)

Za svaki poslovni prostor u kojem se priređuju klasične igre na sreću i posebne igre na sreću priređivač

igara je dužan uplatiti jednom godišnje taksu u iznosu od 5.000,00 KM.

Član 14.

(Iznos takse za držanje muzike)

Za držanje i izvođenje muzike uživo u ugostiteljskim objektima plaća se dnevno taksa u iznosu od 100 KM.

Član 15.

(Iznos takse za isticanje oglasa)

Za isticanje objava, oglasa i sapoštenja (plakata i panoa) na javnim mjestima određenim za te namjene plaća se taksa i to:

- za seriju do 100 komada 100 KM
- za seriju preko 100 komada 200 KM
- za postavljanje stalnih panoa i displaja po $1m^2$ 10 KM godišnje.

Član 16.

(Iznos takse za korištenje prostora i javnih mesta)

- (1) Za korištenje slobodnih površina odnosno prostora na javnim mjestima za kampove (šatore, prikolice i motorna vozila svih kategorija), deponije materijala i drugu privremenu upotrebu plaća se dnevno taksa:
- za svaki šator 2 KM
 - za kamp prikolicu 1 KM
 - za motorno vozilo 1 KM
 - za deponije materijala i drugu privremenu upotrebu shodno Odluci Općinskog načelnika.
- (2) Naplatu i uplatu takse za a), b) i c) stava (1) ovog člana vrši lice koje upravlja slobodnim površinama.

Član 17.

(Iznos takse za uređaje za isplatu i naplatu gotovine)

Za postavljanje uređaja za isplatu i naplatu gotovine (bankomata i sl.), plaća se godišnje taksa po jednom komadu u iznosu od 500 KM.

Član 18.

(Iznos takse za druge uređaje za naplatu)

Za postavljanje svih drugih uređaja koji putem automatske obrade podataka naplaćuju usluge gotovinom, karticama za naplatu ili posredstvom telekom operatera (kafemati, parkomati i sl.), plaća se godišnje taksa po jednom komadu u iznosu od 200 KM.

Član 19.

(Uplata takse)

Takse se uplaćuje na depozitni račun Općine Trnovo (vrsta prihoda: 722322) i prihod je Općine.

Član 20.

(Povrat viška uplaćene takse)

Povrat više ili pogrešno uplaćene takse na istaknuta firmu vrši se prema odredbama Pravilnika o načinu uplate javnih prihoda budžeta i izvanbudžetskih fondova na teritoriji Federacije Bosne i Hercegovine.

Član 21.

(Taksene obaveze nakon objavljivanja Presude Ustavnog suda Federacije BiH)

Taksene obaveze koje su nastale nakon objavljivanja Presude Ustavnog suda Federacije Bosne i Hercegovine, broj U-37/19 u "Službenim novinama Federacije BiH", broj 11/21 od 10.02.2021. godine, neće se izvršavati.

Član 22.

(Stvarno nadležni organi za provođenje ove Odluke)

- (1) Za provođenje ove Odluke zadužuje se Kantonalni porezni ured Sarajevo – Porezna ispostava Ilidža i Trnovo.

S L U Ž B E N E N O V I N E
KANTONA SARAJEVO

Broj 22 - Strana 94

Četvrtak, 2. 6. 2022.

- (2) Porezna uprava će Općini Trnovo dostavljati izvještaj o prijavi/uplati taksenih obaveza i to dva puta godišnje, za prvu polovinu tekuće godine do 31.07. i za drugu polovinu tekuće godine do 31.01. naredne godine.
(3) Služba za privredu i finansije i Služba za civilnu zaštitu, inspekcijske i zajedničke poslove (Komunalni inspektor) Općine Trnovo će svako u oblasti svojih nadležnosti vršiti povremene kontrole prijava i usklađenosti podataka sa Poreznom upravom.

Član 23.

(Kaznene odredbe)

- (1) Kaznene odredbe propisane su čl.18. i čl. 19. Zakona o komunalnim taksama (Sl.novine Kantona Sarajevo", br. 8/2022).
(2) Pored izrečenih kazni u skladu sa Zakonskim odredbama, Porezna uprava će vršiti prinudnu naplatu takse u skladu sa Pravilnikom o procedurama prinudne naplate poreznih obaveza u Federaciji Bosne i Hercegovine.

Član 24.

(Primjena Odluke)

Stupanjem na snagu ove Odluke prestaje da važi Odluka o visini komunalnih taksi na području Općine Trnovo ("Službene novine Kantona Sarajevo ", br.2/19).

Član 25.

(Stupanje na snagu)

Ova Odluka stupa na snagu danom objavljivanja na oglasnoj ploči Općine i bit će objavljena u "Službenim novinama Kantona Sarajevo".

Broj 01-04-1801

20. maja 2022. godine
Trnovo

Predsjedavajuća

Općinskog vijeća Trnovo
Amina Durmo, s. r.

Na osnovu člana 29. stav 1. tačka 1. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03, 22/06 i 43/10) i članova 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 9. redovnoj sjednici održanoj dana 17.05.2022. godine, donijelo je:

ODLUKU

O ORGANIZOVANJU I FUNKCIONISANJU ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA NA PODRUČJU OPĆINE TRNOVO

I Osnovne odredbe

Član 1.

Ovom Odlukom reguliše se organizovanje i funkcionisanje zaštite i spašavanja ljudi i materijalnih dobara od prirodnih i drugih nesreća, način ostvarivanja prava i dužnosti građana i pravnih lica u zaštiti i spašavanju, nadležnosti organa vlasti općine Trnovo, strukture civilne zaštite, programiranje i planiranje, obučavanje i osposobljavanje i finansiranje civilne zaštite na području općine Trnovo (u daljem tekstu: Općina) u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03, 22/06 i 43/10) - (u daljem tekstu: Zakon o zaštiti i spašavanju), Zakonom o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od

prirodnih i drugih nesreća ("Službene novine Kantona Sarajevo", broj 39/08), kao i odredbama ove Odluke.

Član 2.

Subjekti zaštite i spašavanja ljudi i materijalnih dobara od prirodnih i drugih nesreća su gradani Općine; organi vlasti Općine; privredna društva i druga pravna lica sa područja Općine; službe zaštite i spašavanja; štabovi civilne zaštite; jedinice civilne zaštite i povjerenici civilne zaštite koji poslove zaštite i spašavanja ljudi i materijalnih dobara od prirodnih i drugih nesreća obavljaju u skladu sa odredbama federalnog i kantonalnog Zakona o zaštiti i spašavanju, provedbenim propisima donesenim na osnovu Zakona o zaštiti i spašavanju kao i odredbama ove Odluke.

II Način ostvarivanja prava i dužnosti građana i pravnih lica u zaštiti i spašavanju

Član 3.

Lična i uzajamna zaštita građana predstavlja najvažniji oblik pripremanja i organizovanog učešća građana u zaštiti i spašavanju. Ta zaštita se provodi u stambenim zgradama, javnim i drugim objektima, naseljima i pravnim licima.

Lična i uzajamna zaštita obuhvata naročito: obuku građana, mjere i postupke preventivne zaštite, prvu pomoć, samopomoć, zbrinjavanje djece i nemoćnih lica i druge hitne intervencije u zaštiti i spašavanju ljudi i materijalnih dobara.

Ličnu i uzajammu zaštiti provode građani gdje žive i rade u okviru prava i dužnosti utvrđenih Zakonom o zaštiti i spašavanju.

U zaštiti i spašavanju dužni su učestvovati svi radno sposobni građani od 18-60 godina života muškarci, odnosno 18-55 godina žene. Građanin koji je od nadležnog štaba civilne zaštite pozvan radi učešća u zaštiti i spašavanju dužan je odazvati se pozivu na mjesto i na vrijeme određeno u pozivu.

Član 4.

Privredna društva i druga pravna lica (u daljem tekstu: pravna lica) koja obavljaju djelatnost iz oblasti zdravstva, veterinarstva, stambenih i komunalnih poslova, vodoprivrede, šumarstva, poljoprivrede, rudarstva, građevinarstva, transporta, opskrbe, ugostiteljstva i vatrogastva u kojima se obavljaju djelatnosti od značaja za zaštitu i spašavanje ljudi i materijalnih dobara od prirodnih i drugih nesreća su dužna organizovati i sprovoditi poslove zaštite i spašavanja u skladu sa Zakonom o zaštiti i spašavanju, drugim propisima i ovom Odlukom.

U toku vođenja akcije zaštite i spašavanja ljudi i materijalnih dobara od prirodnih i drugih nesreća pravna lica iz stava (1) ovog člana su dužna provoditi odluke Općinskog štaba civilne zaštite.

Član 5.

U izvršavanju poslova iz člana 4. ove Odluke pravna lica provode odgovarajuće pripreme, donose i razrađuju planove zaštite i spašavanja za svoje djelovanje u zaštiti i spašavanju, planiraju i osiguravaju materijalno-tehnička sredstva za provođenje mjera zaštite i spašavanja i organiziraju jedinice i povjerenike civilne zaštite, opremaju te jedinice i povjerenike potrebnom opremom i sredstvima i osposobljavaju ih za njihovo učešće u zaštiti i spašavanju.

Pravna lica, vlasnici i korisnici telekomunikacijskih i informacijskih sistema i veza su dužna dati prioritet u korištenju tih sistema i veza Operativnom centru civilne zaštite i Općinskom štabu civilne zaštite Trnovo (u daljem tekstu: Općinski štab) kada rukovodi akcijama zaštite i spašavanja.